

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0049198 23
Zenica, 17.05.2023. godine

OPĆINSKOM SUDU U ZENICI
-Sudiji za prethodno saslušanje-
ZENICA

Na osnovu odredbe člana 45. stav 2. tačka i) i člana 241. ZKP-a F BiH, p o d i ž e m

O P T U Ź N I C U

Protiv:

HUSEJNOVIĆ ALMEDINA 1990. godište, rođen u Zenici, neosuđivan,

što je,

1. Dana 01.11.2022. godine u 15:18 sati na području grada Zenice, kao student Politehničkog fakulteta Univerziteta u Zenici na studijskom programu Građevinarstvo, naročito drskim ponašanjem i grubim vrijeđanjem drugog, ugrozio građanski mir tako što je sačinio i putem elektronske pošte uputio e-mail sa svoje e-mail adrese almedin.husejnovic.20@dl.unze.ba dekanu Politehničkog fakulteta L. S. na njegov službeni e-mail ..., u kojem je naročito grubim vrijeđanjem iznio neutemeljene tvrdnje i teške uvrede prema kolegicama Š. H., J. Dž., B. S. i S. L., između ostalog navodeći: „sve same princeze...ali te cure neko šalje da započinj u nered koji rješavaju silovanjem jer se oslanjaju na nasilje i vecinu iako prosto tezak i“, svjestan i znajući da će na taj način iznošenjem grubih uvreda i neutemeljenih navoda ugroziti građanski mir, a što je i htio,

2. Dana 27.12.2022. godine u 22:09 sati na području grada Zenice, kao student Politehničkog fakulteta Univerziteta u Zenici na studijskom programu Građevinarstvo, naročito drskim ponašanjem i grubim vrijeđanjem drugog, ugrozio građanski mir tako što je sačinio i putem elektronske pošte uputio e-mail sa svoje e-mail adrese almedin.husejnovic.20@dl.unze.ba dekanu Politehničkog fakulteta L.S. na njegov službeni e-mail ... i rektoru univerziteta D. J. na njegov službeni e-mail ..., u kojem je naročito grubim vrijeđanjem iznio neutemeljene tvrdnje i teške uvrede prema kolegici Š.H., kolegi T.H. i profesorima, između ostalog navodeći: „Vaš ponos i dika, H. T., ne da prepisuje na ispitu već „mezi“, sramota da parazit-medaljaš ne prođe kad u njega vjeruje tolika živina...a predstavnica autizma H. Š. se odvažila da me odstrani iz „grupe odjeljenja“ kojoj vladaju konobari iz ..., medar iz Sanskog Mosta i dekan J. ali i onaj drugi, iz Travnika...ali brate ne vidim napredak već nazadak, to što bombardujete vašim plejboj demonstratorima“, svjestan i znajući da će na taj način iznošenjem grubih uvreda i neutemeljenih navoda ugroziti građanski mir, a što je i htio,

3. Dana 26.01.2023. godine u 05:18 sati na području grada Zenice, kao student Politehničkog fakulteta Univerziteta u Zenici na studijskom programu Građevinarstvo, naročito drskim ponašanjem i grubim vrijeđanjem drugog, ugrozio građanski mir tako što je sačinio i putem elektronske pošte uputio e-mail sa svoje e-mail adrese almedin.husejnovic.20@dl.unze.ba dekanu Politehničkog fakulteta L.S. na njegov službeni e-mail ... i rektoru univerziteta D. J. na njegov službeni e-mail ... u kojem je naročito grubim

vrijeđanjem iznio neutemeljene tvrdnje i teške uvrede prema profesorima, između ostalog navodeći: „S. vi treba da znate da sam ja vrlo etički potkovan: Ono što sam danas saznao je vrhunac: ne postoji riječ jer sam mrtav, radi se o tome da sam radio program iz numeričkih metoda, a čim bih taj program predao, A. je to podijelio sa kurvama i bolesnicima koji ništa ne rade cijeli semestar, a koji su me izbacili iz grupe, oteli program u koji sam uložio toliko truda, da sebi predstavim to na kvalitetan način ne da se dokazem, danas sam saznao i doživio još jednu u nizu trauma otkad sam upisao ovo pseće govno od fakulteta. Traume, mentalne tegobe, nemir, iskoristavanje, profesori aktivno sudjeluju u tome, saznao sam jer su prepisali, ne trebam im više....to je A. uradio...ovo je ubistvo, neoprostivo, kakve su samo gadure bile, zapitajte se“, svjestan i znajući da će na taj način iznošenjem grubih uvreda i neutemeljenih navoda ugroziti građanski mir, a što je i htio,

4. Dana 26.01.2023. godine u 05:18 sati na području grada Zenice, kao student Politehničkog fakulteta Univerziteta u Zenici na studijskom programu Građevinarstvo, sačinio i putem elektronske pošte uputio e-mail sa svoje e-mail adrese almedin.husejnovic.20@dl.unze.ba dekanu Politehničkog fakulteta L. S. na njegov službeni e-mail... i rektoru univerziteta D. J. na njegov službeni e-mail ..., u kojem je uputio prijeteće poruke: „vas sve treba silovati u zatvoru“, svjestan da će takvim ozbiljnim prijetnjama ugroziti sigurnost istih, što je i htio, a koje poruke su kod oštećenih izazvale ugrožavanje sigurnosti,

dakle,

- pod tačkom 1., 2. i 3. grubim vrijeđanjem drugog ugrozio građanski mir, čime je počinio produženo krivično djelo Nasilničko ponašanje iz člana 362. stav 1. u vezi sa članom 55. KZ F BiH, u sticaju sa

- pod tačkom 4. ugrozio sigurnosti više osoba ozbiljnom prijetnjom da će napasti na život ili organ tih osoba, čime je počinio krivično djelo Ugrožavanje sigurnosti iz člana 183. stav 2. KZ F BiH, sve u vezi sa članom 54. KZ F BiH.

4. S obzirom da iz nalaza i mišljenja psihološko-psihijatrijskog vještačenja osumnjičenog od 04.05.2023. godine po vještacima ..., neuropsihijatru i ..., psihologu, proizilazi da je osumnjičeni predmetna krivična djela učinio u stanju smanjene računljivosti uslijed paranoidnog poremećaja ličnosti, predlažemo sudu da osumnjičenom shodno odredbama člana 71., 72., 73. i 74. KZ F BiH izrekne sigurnosnu mjeru Obavezno psihijatrijsko liječenje na slobodi kako je to i predloženo u nalazu i mišljenju vještaka.